

摘藻堂四庫全書薈要

集部

欽定四庫全書薈要卷一萬八千二百六

集部

御定全唐詩卷八百一

郎大家宋氏

詩五首

採桑

春來南鴈歸日去西蠶遠妾思紛何極客

一作君

遊殊未

返

宛轉歌

一作擬晉女劉  
妙容宛轉歌

二首

一作崔  
液詩

風已清月朗琴復鳴掩抑非千態殷勤是一聲歌宛轉

宛轉和且長願爲雙鴻

一作黃

鵠比翼共翱翔

日已暮長簷鳥聲度此時

一本無上二字

望君君不來此時

一本

無上二字

思君君不顧歌宛轉宛轉那能異棲宿願爲形與

影出入恒相逐

長相思

長相思久離別關山阻風煙絕臺上鏡文銷袖中書字  
滅不見君形影何曾有歡悅

朝雲引

巴西巫峽指一作連巴東朝雲觸石上朝空巫山巫峽高

何已行雨行雲一時起一時起三春暮若言來且就陽

臺路

梁瓊詩四首

宿巫山寄遠人

巫山雲巫山雨朝雲暮雨無定所南峰忽暗北峰晴空

裏仙人語笑聲曾侍荆一作君王枕席處直至如今如有

靈春風澹澹白雲閒驚湍流水響千山一夜此中對明

月憶得此中與君別感物情懷如舊時君今渺渺在天  
涯曉看襟上淚流處點點血痕猶在衣

昭君怨

自古無和親貽災

一作天貽

到妾身朔風嘶去馬漢月出行

輪衣薄狼山雪妝成虜塞春迴看父母國生死畢胡塵

銅雀臺

歌扇向陵開齊行奠玉杯舞時飛燕列夢裏片雲來月  
色空餘恨松聲莫更哀誰憐未死妾掩袂下銅臺

遠意

脉脉長攄氣微微不離一作心叩頭從此去煩惱阿誰

禁

句

玉枕空流別後淚羅衣已盡去時香古意

劉雲

詩三首

有所思

朝亦有所思暮亦有所思登樓望君處藹藹蕭關道掩

淚向浮雲誰知妾懷抱

一作靄靄浮雲飛浮雲遮却  
陽關道向晚誰知妾懷抱

玉

井蒼苔春院深桐花落盡

一作地

無人埽

婕妤怨

君恩不可見妾豈如秋扇  
秋扇尚有時妾身永微賤  
莫言朝花不復落嬌容幾奪  
昭陽殿

望月

一作張  
璵詩

天漢涼秋夜澄澄一鏡明  
山空援屢嘯林靜鵲頻驚

崔萱

字伯容  
詩三首

古意

灼灼葉中花夏萎春又芳  
明明天上月蟾缺圓復光  
未如君子情朝違夕已忘  
玉帳枕猶暖紈扇思何長  
願因西南風吹我玳瑁牀  
嬌眠錦衾裏展轉雙鴛鴦

叙別

碧池漾漾春水綠  
中有佳禽暮棲宿  
願持此意永相貽  
祇慮君情中反覆

豪家子

年少家藏累代金  
紅樓盡日醉沈沈  
馬非躑躅寧酬價  
人不嬋娟肯動心

句

豈知一隻鳳  
釵價沽得數村蝸  
舍人豪家妓

崔仲容詩三首

贈所思

所居幸接隣  
相見不相親  
一似雲間月  
何殊鏡裏人  
丹

誠一作成  
空有夢腸斷  
不禁春願作  
梁間燕  
無由變此身

戲贈

暫到崑崙未得歸  
阮郎何事教人非  
如今身佩上清籙  
莫遣落花霑羽衣

贈歌姬

水翦雙眸霧翦衣  
當筵一曲媚春輝  
一作瀟湘夜瑟怨

猶在巫峽曉雲愁  
不稀一作飛皓齒乍分寒玉細  
黛眉輕

蹙遠山微渭城朝雨  
休重唱滿眼陽關  
客未歸

句

妾心合君心一似影隨形

寄贈

梁燕無情困雙棲語此

時

春怨

不覺紅顏去空嗟白髮生

感懷

桐花落盡春又

盡紫塞征人猶未歸

古意

崔公遠

一作遠  
詩一首

獨夜詞

晴天霜落寒風急錦帳羅幃羞更入秦箏不復續斷弦  
回身掩淚挑燈立

句

看花獨不語  
衰回雙淚潛  
君今遠戍在何處  
遣妾秋來長望天

張琰

詩三首

春詞二首

垂柳鳴黃鸝  
關關若求友  
春情不可耐  
愁殺閨中婦  
日暮登高樓  
誰憐小垂手

昨日桃花飛  
今朝梨花吐  
春色能幾時  
那堪此愁緒  
蕩子遊不歸  
春來淚如雨

銅雀臺

一作張  
璜詩

君王冥漠不可見  
銅雀歌舞空裴回  
西陵嘖嘖悲宿鳥

高

一作  
空

殿沈沈閉青苔  
青苔無人跡  
紅粉空自

一作  
相

哀

句

年年人自老  
日日水東流  
庭芳自搖落  
永念結中腸

裴羽仙

詩二  
首

哭夫二首

時以夫征戎輕入被擒  
音信斷絕作詩哭之

風卷平沙日欲曛  
狼煙遙認犬羊羣  
李陵一戰無歸日

望斷胡天哭塞雲

良人平昔逐蕃渾力戰輕行

一作生

出塞門從此不歸成

萬古空留賤妾怨黃昏

劉媛

一作瑗  
詩三首

長門怨

雨滴梧桐

一作長門

秋夜長愁心和雨到  
昭陽淚痕不學

一作

共君恩斷拭却千行更萬行

學畫蛾眉獨出羣  
當時人道便承恩  
經年不見君王面

花落黃昏空掩門

送遠

聞道瞿塘灑灑堆青山流水近陽臺知君此去無還日  
妾亦隨波不復迴

句

春風報梅柳一夜發南枝  
傍人那得知心事一面殘  
妝空淚痕

葛鵝兒

詩三首

懷良人

一云朱滔時  
河北士人作

蓬鬢荆釵世所稀  
布裙猶是嫁時衣  
胡麻好種無人種

正是歸時不見

一作歸  
底不

會仙詩

彩鳳搖搖下翠微  
煙光

一作花

漠漠徧芳枝  
玉窗仙會何

人見唯有春風仔細知

煙霞迤邐接蓬萊  
宮殿參差曉日開  
羣玉山前人別處

紫鸞飛起望仙臺

劉

一作裴

瑤

詩三首

暗別離

槐花結子桐葉焦單飛越鳥啼青霄翠軒輾雲輕遙遙  
燕脂淚迸紅線條瑤草歇芳心耿耿玉佩無聲畫屏冷  
朱弦暗斷不見人風動花枝月中影青鸞脉脉西飛去  
海闊天高不知處

古意曲

梧桐階下月團團洞房如水秋夜闌吳刀翦破機頭錦

茱萸花墜相思枕綠窗寂寞背燈時暗數寒更不成寢

闔閭城懷古

五湖春水接遙

一作碧連

天國破君亡不記

一作計

年唯有妖

娥曾舞處古臺寂寞起愁

一作寒煙

廉氏

詩三首

峽中即事

清秋三峽此中去鳴

一作啼

鳥孤猿不可聞一道水聲多

亂石四時天色少晴雲日暮泛舟溪澗口那堪夜永

一作

客思氛氲

懷遠

隙塵何微微朝夕通其輝  
人生各有託君去獨不歸  
青林有蟬響赤日無鳥飛  
袞回東南望雙淚空霑衣

寄征人

淒淒北風吹鴛被娟娟西月生  
蛾眉誰知獨夜相思處  
淚滴寒塘蕙草時

田娥詩三首

寄遠

憶昨會詩酒終日相逢  
迎今來成故事歲月令人驚  
淚流紅粉薄風度羅衣輕  
難為子猷志虛負文君名

攜手曲

攜手共惜芳菲節鶯啼錦花滿  
城闕行樂逶迤念容色  
色衰祇恐君恩歇鳳笙龍管白日陰  
盈虧自感青

一作中

天月

長信宮

團圓手中扇昔為君所持今日君棄捐復值秋風時悲  
將入篋筍自歎知何為

句

春至偏無興秋來祇是眠

閒居

劉淑柔

詩一首

中秋夜泊武昌

兩城相對峙一水向東流今夜素娥月何年黃鶴樓悠  
悠蘭棹晚渺渺荻花秋無奈柔腸斷關山總是愁

薛瓊詩一  
首

賦荆一作門

黃鳥翻紅樹一作青牛卧綠苔  
渚宮歌舞地輕霧鎖樓

臺

趙虛舟詩一  
首

戲贈

砌下梧桐葉正齊  
花繁雨後壓枝低  
報道不須鴟鳥亂  
他家自有鳳凰棲

張瑛一作英  
詩二首

銅雀臺一作張瑛詩

君王冥漠不可見  
銅雀歌舞空裴回  
西陵嘖嘖悲宿鳥

高一作空殿沈沈閉青苔  
青苔無人跡紅粉空相白一作哀

望月一作劉雲詩

天漢涼秋夜澄澄  
一鏡明山空  
猿屢嘯林靜  
鶴頻驚

長孫佐轉妻詩一首

荅外佐轉戍邊不歸寄書與妻作詩荅之

征人去年戍邊水夜得邊書字盈紙揮刀就燭裁紅綺  
結作同心荅千里君寄邊書書莫絕妾荅同心心自結  
同心再解不心離離字頻看字愁滅結成一衣和淚封  
封書只在懷袖中莫如書故字難久願學同心長可同

劉元載妻

詩一首

早梅

一作觀梅  
女仙詩

南枝向暖北枝寒一種春風有兩般憑仗高樓莫吹笛  
大家留取倚闌干

劉氏婦 詩二首

明月堂

蟬鬢驚秋華髮新  
可憐紅隙盡埃塵  
西山一夢何年覺  
明月堂前不見人

玉鈎風急響丁東  
回首西山似夢中  
明月堂前人不到  
庭梧一夜老秋風

葛氏女 詩一首

和潘雍

九天天遠瑞煙濃，駕鶴駢鸞意已同。從此三山山上月，

瓊花開處照春風。

潘雍贈葛氏詩云：曾聞仙子住天台，欲結靈姻媿短才。若許隨君洞中住，

不同劉阮却歸來。

李主簿姬

詩一首

寄詩

李主簿不知其名，秋游廣陵迨春未返，其姬以詩寄之。

去時盟約與心違，秋日離家春不歸。應是維揚風景好，

恣情歡笑到芳菲。

李主簿荅姬詩云：偶到揚州悔到家，親知留滯不因花。塵侵寶鏡雖相待，

長短歸時不及瓜。

京兆女子 唐末人不詳 姓氏詩一首

題興元明珠亭

寂寥滿地落花紅 獨有離人萬恨中 回首池塘更無語

手彈珠淚與 一作背 春 一作東 風

湘驛女子 詩一首

題玉泉溪

紅葉 一作樹 醉秋色 碧溪彈夜弦 佳期不可再 風雨杳如

年

若耶溪女子

詩一首

題三鄉詩

并序

余家本若耶溪東與同志者二三紉蘭佩蕙每貪  
幽閒之境翫花光於風

一作松

月之亭竟晝綿宵往

往忘倦洎乎初筭五換星霜矣自後不得已從良  
人西入函關寓居晉昌里第其居迥絕塵囂花木  
叢翠東西隣二佛宮皆上國勝游之最伺其閒寂  
因游覽焉亦不辜一時之風月也不意良人已矣

邈然無依帝里方一作芳春弔影一作光景東邁涉滄水

歷渭川背終南陟太華經號畧抵陝郊挹嘉祥之  
清流面女几之蒼翠凡經過之所皆曩昔燕笑之

地銜冤茹一作興歎舉目魂銷雖殘骸尚存而精爽

都失假使潘岳復生無以悼其幽思也遂命筆聊  
題終不能滌其懷抱絕筆慟哭而去時會昌壬戌  
歲仲春十九日二九子爲父後玉無瑕弁無首荆  
山石往往有題

昔逐良人西入關，良人身歿妾空還。  
謝娘衛女不相待。

為雨為雲歸此山。

形管遺編云：若耶溪女隱，名不書。後李舒解之曰：二十九十八十加八木字。

子為父後木下子李字也。玉無瑕去其點也。弁無首存其升也。王下升弄字也。荆山石往往有者。荆山多玉。當是姓李名弄玉也。

誰氏女

詩一首

題沙鹿門

昔逐良人去上京，良人身歿妾東征。  
同來不得同歸去。

永負朝雲暮雨情。

光威哀

姊妹三人  
失其姓

聯句

朱樓影直日當午玉樹陰低月已三

光

膩粉暗銷銀鏤

合錯刀閒翦泥金衫

威

繡牀怕引烏龍吠錦字愁教青

鳥銜

哀

百味鍊來憐益母千花開處鬪宜男

光

鴛鴦有

伴誰能羨鸚鵡無言我自慚

威

浪喜游蜂飛撲撲

伴驚

孤燕語喃喃

哀

偏憐愛數蟪蛄掌每憶光抽玳瑁簪

光

煙洞幾年悲尚在星橋一夕帳空含

威

窗前時節羞虛

擲世上風流笑苦語衷獨結香綃偷餉送暗垂檀袖學

通參光須知化石心難定却是爲雲分易甘威看見風

光零落盡弦聲猶逐望江南哀

越溪楊女

楊女越溪人為詩不過兩句有謝生求婚其父出女句令續之女覽而歎曰天生吾

夫也後七年忽題二句示謝謝訝其不祥女曰君且續之謝應聲就女即以首枕其膝而逝

聯句

珠簾半牀月青竹滿林風

楊女

何事今宵景無人解語

同謝生

春日

春盡花隨盡其如自是花

楊女

從來說花意不過此容

華

謝生

明月易虧輪好花難戀春

楊女

常將花月恨并作可憐

人謝生

曹文姬

句

鑿開天外長生地煉出人間不死丹

題梅仙  
山丹井



御定全唐詩卷八  
百一

欽定四庫全書薈要卷一萬八千二百七

集部

御定全唐詩卷八百二

關盼盼

關盼盼徐州妓也張建封納之張歿獨居彭城故燕子樓歷十餘年白居易贈詩諷其死盼盼得詩泣曰妾非不能死恐我公有從死之妾玷清範耳乃和白詩旬日不食而卒詩四首

燕子樓三首

樓上殘燈伴曉霜，獨眠人起合歡牀。相思一夜情

一作知

多少地角天涯不

一作未

是長

北邙松柏鎖愁煙，燕子樓中思悄然。自埋劒履歌塵散

紅袖

一作褪

香銷一

一作已

十年

適看鴻雁岳陽迴，又覩玄禽逼社來。瑤瑟玉簫無意緒，  
任從蛛網任從灰。

和白公詩

自守空樓歛恨眉，形同春後牡丹枝。舍人不會人深意

訝道泉臺不去隨

句

兒童不識冲天物漫把青泥污雪毫

臨歿  
吟

劉采春

劉采春越州妓也詩六首

囉噴曲六首

不喜秦淮水生憎江上船載兒夫壻去經歲又經年  
借問東園柳枯來得幾年自無枝葉分莫怨太陽偏

莫作商人婦金釵當卜錢朝朝江口望錯認幾人船  
那年離別日只道住桐廬桐廬人不見今得廣州書  
昨日勝今日今年老去年黃河清有日白髮黑無緣  
昨日北風寒牽船浦裏安潮來打纜斷搖櫓始知難

太原妓

歐陽詹遊太原悅一妓約至都相迎別後妓思之疾甚  
乃刃髻作詩寄詹絕筆而逝詩一首

寄歐陽詹

自從別後減容光  
半是思郎半恨郎  
欲識舊來雲髻樣  
為奴開取縷金箱

### 武昌妓

續韋蟾句

韋蟾廉問鄂州及罷賓僚祖餞韋以  
牋書文選句授坐客請續有妓起口

占二句無不嘉歎  
蟾贈數十千納之

悲莫悲兮生別離  
登山臨水送將歸  
武昌無限新栽柳  
不見楊花撲面飛

### 舞柘枝女

舞柘枝女韋應物愛姬所生也流落潭州委身樂部李  
翱見而憐之於賓僚中選士嫁焉詩一首

獻李觀察

湘江舞罷忽成悲便脫蠻靴出絳帷誰是蔡邕琴酒客

魏公懷舊嫁文姬

李觀察翱答詩云姑蘇太守青娥女  
流落長沙舞柘枝滿座繡衣皆不識

可憐紅臉  
淚交垂

常浩

常浩妓也詩二首

贈盧夫人

佳人惜顏色恐逐芳菲歇日暮出畫堂下階拜新月拜

月如

一作仍

有詞傍人那得知歸來投玉枕

一作玉臺下

始覺

淚痕垂

寄遠

年年二月時十年期別期春風不知信軒蓋獨遲遲今

日無端捲珠箔始見庭花復零

一作見

落人心一往不復

歸歲月來時未嘗錯可憐熒熒玉鏡臺塵飛冪冪幾時

開却念容華非昔好畫眉猶自待君來

襄陽妓

賈中郎與武補闕登峴山遇一妓同飲自稱襄陽人詩  
一首

送武補闕

弄珠灘上欲銷魂獨把離懷寄酒尊無限煙花不留意  
忍教芳草怨王孫

王福娘

王福娘字宜之解梁人北里前曲妓也詩三首

題孫綦詩後

綦贈福娘詩俱題窗左紅牆後有數行未滿福娘因自題一絕

苦把文章邀勸人吟看好箇語言新雖然不及相如賦也直黃金一二斤

問綦

一作題紅箋上

詩

宜之每歡洽際嘗自慘然一日忽以紅箋題詩授綦索和

日日悲傷未有圖嬾將心事話凡夫非同覆水應收得只問仙郎有意無

綦答福娘詩云韶妙如何有遠圖未能相為信非夫泥中蓮子雖無染移

入家園  
未得無

謝朓

一作擲  
紅巾

詩

朓自洛還京上巳日禊于曲水  
聞鄰棚絲竹宜之在焉詰旦詰

其里其妹小福在門園紅  
中擲朓舒之則宜之詩也

久賦恩情欲託身已將心事再三陳  
泥蓮既沒移栽分  
今日分離莫恨人

楊萊兒

楊萊兒字蓬仙利口敏妙進士趙光遠一見溺之後為  
豪家所得詩二首

荅小子弟詩

光遠自恃俊才萊兒大誇于客指  
光遠為一鳴先輩放榜日盛飾立

門以俟京師小子弟於馬上  
念詩謔之菜兒應聲而答

黃口小兒口莫

一作沒

憑逡巡看取第三名孝廉持水添

餅子莫向街頭亂梳鳴

小弟子謔菜兒詩云盡道菜兒口可憑一冬誇壻好聲名適來

安遠門前見光遠何曾解一鳴

### 和趙光遠題壁

長者車塵每到門長卿非慕卓王孫定知羽翼難隨鳳  
却喜波濤未化鯤嬌別翠鈿黏去袂醉歌金雀碎殘尊  
多情多病年應促早辦名香為返魂

楚兒

楚兒字潤娘詩一首

貽鄭昌圖

楚兒後為捕賊官郭鍛所納一日遊曲江過鄭出簾招之鍛覺之曳於中

衢擊以馬箠鄭驚去明日過其居偵之已在臨街窗下弄琵琶矣楚兒貽鄭詩鄭即于馬上和之

應是前生有宿冤不期今世惡因緣蛾眉欲碎巨靈掌

一作手

雞肋難勝子路

一作石勒

拳抵擬嚇人傳鐵券未應教

我踏青蓮曲江昨日君相遇當下遭他數十鞭

鄭昌圖答楚兒

詩云大開眼界莫言寬畢世甘他也是緣無計不煩乾  
偃蹇有門須是疾連拳據論當道加嚴箠便合披緇念  
法蓮如此興情殊不  
減始知昨日是蒲鞭

### 王蘇蘇

### 王蘇蘇南曲中妓詩一首

和李標

一作題李標詩後進士李標從王左諫弟姪諳蘇蘇飲次題詩于窗蘇蘇先未

識標不甘其題曰阿誰留即君莫亂道因取筆繼和

怪得犬驚雞亂飛羸童瘦馬老麻衣阿誰亂引閒人到

留住青蚨熱趕歸

李標題窗詩云春暮花枝遶戶飛王孫尋勝引塵衣洞中仙子多情態留

住劉郎  
不放歸

### 顏令賓

顏令賓南曲妓也詩一首

臨終名客

一作病中見落花  
事筆硯有詞句見舉人  
今賓舉止風流  
盡禮祇奉乞

歌詩常滿箱篋及病甚值春暮扶坐砌前顧落花長歎數四因為詩教小童持出邀新第郎君及舉人數輩張樂歡飲至暮涕泗請曰我不久矣幸各致哀挽送我得詩數首及死有劉駝駝者能為曲子詞因取其詞教挽柩者前唱之聲甚悲愴痊青門外自是盛傳于長安挽者多唱焉

氣餘三五喘花剩兩三枝話別一尊酒相邀無後期

挽歌

云昨日尋仙子轎車忽在門人生須到此天上竟難論  
客至皆連袂誰來為鼓盆不堪襟袖上猶印舊眉痕  
殘春扶病飲此夕最堪傷夢幻一朝畢風流幾日狂孤  
鷺徒照鏡獨燕嬾歸梁厚意那能展含酸奠一觴浪  
意何堪念多情亦可悲駿奔皆露膽麈尾盡齋眉花墜  
有開日月沈無出期寧言掩丘後宿草便離離奄忽  
那如此天桃色正春捧心還動我掩面復何人岱  
岳誰為道逝川寧問津臨喪應有主宋玉在西鄰

### 張窈窕

張窈窕寓居於蜀當時詩人雅相推重詩六首

### 寄故人

一作杜羔妻詩

淡淡春風花落時不堪愁望

一作生

更相思無金可買長

門賦有恨空吟團扇詩

上成都在事

一作成都即事

昨日賣衣裳今日賣衣裳衣裳渾賣盡羞見嫁時箱有  
賣愁仍緩無時心轉傷故園有虜

一作多阻

隔何處事蠶桑

春思二首

門前梅

一作桃

柳爛春輝閉妾深閨繡舞衣雙燕不知腸

欲斷銜泥故故傍人飛

井上梧桐是妾移，夜來花發最高枝。  
若教不向深閨種，春過門前爭得知。

西江行

日下西塞山，南來洞庭客。  
晴空白鳥度，萬里秋光碧。

贈別一作所思

與君咫尺長離別，遣妾容華為誰說。  
夕望層城眼欲穿，曉臨明鏡腸堪絕。

句

滿院花飛人不到  
含情欲語燕雙雙

春情 見  
吟窗雜錄

### 平康妓

裴思謙及第後作紅箋名紙十數幅詣平康里宿焉  
詰旦一妓賦贈詩一首

贈裴思謙

一作裴  
思謙詩

銀釭斜背解明璫  
小語偷聲賀玉郎  
從此不知蘭麝貴  
夜來新惹桂枝香

### 史鳳

史鳳宣城妓也詩七首

迷香洞

洞口飛瓊佩羽霓香風飄拂使人迷自從邂逅芙蓉帳  
不數桃花流水溪

神雞枕

枕繪鴛鴦久與棲新裁霧縠鬪神雞與郎酣夢渾忘曉  
雞亦留連不肯啼

鎖蓮燈

燈鎖蓮花花照蠹翠鈿同醉楚臺魏殘灰剔罷攜纖手  
也勝金蓮送轍回

鮫紅被

肱被當年僅禦寒青樓慣染血猩紈牙牀舒卷鷓鴣共  
正值窗櫺月一團

傳香枕

韓壽香從何處傳枕邊芳馥戀嬋娟休疑粉黛加鈿刃  
玉女梅檀侍佛前

八分羊

党家風味足肥羊綺閣留人漫較量萬羊亦是男兒事  
莫學狂夫取次嘗

閉門羹

一豆聊供游冶郎去時忙喚鎖倉琅入門獨慕相如侶  
欲撥瑤琴彈鳳凰

盛小叢

盛小叢越妓李訥為浙東廉使夜登城樓聞歌聲激切

召至乃小叢也時崔侍御元範至府幕赴關李餞之命  
小叢歌餞在座各賦詩贈之小叢有詩一首

突厥三臺

雁門山上雁初飛馬邑關中馬正肥日旰山西逢驛使  
殷勤南北送征衣

趙鸞鸞

趙鸞鸞平康名妓也詩五首

雲鬟

擾擾香雲溼未乾鴉領一作蟬翼膩光寒側邊斜插黃  
金鳳妝罷夫君帶笑着

柳眉

彎彎柳葉愁邊戲湛湛菱花照處頻  
媼媚不煩螺子黛  
春山畫出自精神

檀口

銜杯微動櫻桃顫咳唾輕飄茉莉香  
曾見白家樊素口  
瓠犀顆顆綴榴芳

織指

纖纖軟玉削春蔥長在香羅翠袖中昨日琵琶弦索上  
分明滿甲染猩紅

酥乳

粉香汗溼瑤琴軫春逗酥融綿雨膏浴罷檀郎捫弄處  
靈華涼沁紫葡萄

蓮花妓

蓮花妓豫章人也陳陶隱南昌西山鎮帥嚴宇嘗遣之

侍陶陶不顧因求去獻詩一首

獻陳陶處士

蓮花為號玉為腮珍重尚書遣妾來處士不生巫峽夢

空勞神女一作雲雨下陽臺

徐月英

徐月英江淮間妓也有集行世今存詩二首

叙懷

為失三從泣淚頻此身何用處人倫雖然日逐笙歌樂

長羨荆釵與布裙

送人

惆悵人間萬事違  
兩人同去一人歸  
生憎平望亭前水

忍照鴛鴦相背

一作飛對

句

枕前淚與階前雨  
隔箇窻兒滴到明

韓襄客

漢南妓

句

連理枝前同設誓  
丁香樹下共論心

御定全唐詩卷八百二

欽定四庫全書薈要卷一萬八千二百八

集部

御定全唐詩卷八百三

薛濤

薛濤字洪度本長安良家女隨父宦流落蜀中遂入樂籍辨慧工詩有林下風致韋臯鎮蜀召令侍酒賦詩稱為女校書出入幕府歷事十一鎮皆以詩受知暮年屏居浣花溪著女冠服好製松花小箋時號薛濤箋有洪度集一卷今編詩一卷

酬人雨後翫竹

南天春雨時那鑒雪霜姿衆類亦云茂虛心能自持多

留晉賢醉早伴舜妃悲晚歲

一作歲晚

君能賞蒼蒼勁節奇

春望

一作望春

詞四首

花開不同賞花落不同悲欲問相思處花開花落時

攬

一作檻

草結同心將以遺知音春愁正斷絕春鳥復哀

吟

風花日將老佳期猶渺渺不結同心人空結同心草

那堪花滿枝翻作兩相思玉筋垂朝鏡春風知不知  
宣上人見示與諸公唱和

許厠高齋唱涓泉定不如可憐譙記室流水滿禪居

風

獵蕙微風遠飄弦唳一聲林梢鳴浙瀝松徑夜淒清

月

魄依鈎樣小扇逐漢機團細影將圓質人間幾處看

蟬

一作  
聞蟬

露滌清音遠風吹數

一作故

葉齊聲聲似相接各在一枝

棲

池上雙鳥

一作鳧

雙棲綠池上朝暮共

一作去暮

飛還更憶將雛日同心蓮葉

間

駕鴛草

綠英滿香砌兩兩駕鴛小但娛春日長不管秋

一作春

風

早

罰赴邊有懷上韋令公二首

一作陳情上韋令公又作上元相公

聞道

一作說

邊城苦今來

一作而今

到始知羞將門下曲唱與

隴頭兒

黠虜

一作賊

猶違命烽煙直北愁却教嚴譴妾不敢向松

州

詠八十一顆

色比丹霞朝日形如合浦篔簹

一作圓璫

開時九九如

一作知

數見處雙雙頡頏

謁巫山廟

亂後啼處訪高唐路入煙霞草木香山色未能忘宋玉  
水聲猶是哭襄王朝朝夜夜陽臺下為雨為雲楚國亡  
惆悵廟前多少柳春來空鬪畫眉長

牡丹

去春零落暮春時淚溼紅箋怨別離常恐便同巫峽散  
因何重有武陵期傳情每向馨香得不語還應彼此知  
只欲攔邊安枕席夜深閒共說相思

賊平後上高相公

驚看天地白荒荒  
瞥見青山舊夕陽  
始信大

一作天  
一作火威

能照映由來日月借生光

送友人

水國蒹葭夜有霜  
月寒山色共蒼蒼  
誰言千里自今夕

離夢杳如關塞

一作路長

聽僧吹蘆管

曉蟬鳴咽暮鶯愁  
言語殷勤十指頭  
罷閱梵書時一弄

散隨金磬泥清秋

酬郭簡州寄柑子

霜規不讓黃金色圓質仍含御史香何處同聲情最異  
臨川太守謝家郎

上川主武元衡相國二首

一本無元  
衡二字

落日重城夕霧收玳筵雕俎薦諸侯因令朗月當庭燎  
不使珠簾下玉鈎

東閣移尊綺席陳韶簪龍節更宜春軍城畫角三聲歇

雲幕初垂紅燭新

憶荔枝

傳聞象郡隔南荒  
絳實豐肌不可忘  
近有青衣連楚水  
素漿還得類瓊漿

斛石山曉望寄呂侍御

曦輪初轉照仙扃  
旋擘煙嵐上窅冥  
不得玄暉同指點  
天涯蒼翠漫青青

寄詞

茵閣芝樓杳靄中  
霞開深見玉皇宮  
紫陽天上神仙客  
稱在人間立世功

斛石山書事

王家山水畫圖中  
意思都盧粉墨容  
今日忽登虛境望  
步搖冠翠一千峰

送姚員外

萬條江柳早秋枝  
裊地翻風色未衰  
欲折爾來將贈別  
莫教煙月兩鄉悲

酬祝十三秀才

浩思藍

一作南

山玉彩寒冰囊敲碎楚金盤詩家利器馳

聲久何用春闈榜下看

別李郎中

一作中郎

花落梧桐鳳別凰想登秦嶺更淒涼安仁縱有詩將賦  
一半音詞雜悼亡

送扶鍊師

錦浦歸舟巫峽雲綠波迢遞雨紛紛山陰妙術人傳久

也說將鵝與右軍

摩訶池贈蕭中丞

昔以多能佐碧油今朝同泛舊仙舟  
淒涼逝水頽波遠

惟有到

一作

碑泉

一作

咽不流

鄉思

用前韻此  
首補入

峨嵋山水如油憐我心同不繫舟  
何日片帆離錦浦  
擢聲齊唱發中流

和李書記席上見贈

翩翩射策東堂秀  
豈復相逢豁寸心  
借問風光為誰麗  
萬條絲柳翠煙深

棠梨花和李太尉

吳均蕙圃移嘉木  
正及東溪春雨時  
日晚鶯啼何所為  
淺深紅膩壓繁枝

酬文使君

延英曉拜漢恩新  
五馬騰驤九陌塵  
今日謝庭飛白雪  
巴歌不復舊陽春

酬吳隨

一作君使

支公別墅接花局買得前山總未經入戶剡溪雲水滿

高齋咫尺躡

一作接

青冥

酬李校書

才遊象外身雖遠學茂區中事易聞自顧漳濱多病後  
空瞻逸翮舞青雲

賦凌雲寺二首

聞說凌雲寺裏苔風高日近絕纖

一作塵

埃橫雲點染芙蓉

蓉壁似待詩人寶月來

聞說凌雲寺裏花飛空遶磴逐江斜  
有時鎖得嫦娥鏡  
鏤出瑤臺五色霞

九日遇雨二首

萬里驚飈朔氣深江城蕭索晝陰陰  
誰憐不得登山去  
可惜寒芳色似金

茱萸秋節佳期阻金菊寒芳滿院香  
神女欲來知有意  
先令雲雨暗池塘

酬雍秀才貽巴峽圖

千疊雲峰萬頃湖，白波分去遠荆吳。  
感君識我枕流意，重示瞿塘峽口圖。

上王尚書

碧玉雙幢白玉郎，初辭天帝下扶桑。  
手持雲篆題新榜，十萬人家春日長。

和劉賓客玉薜

瓊枝的皜露珊珊，欲折如披玉

一作霞

彩寒間拂朱房，何

所似綠山偏映月

一作日

輪殘

### 江邊

西風忽報鴈

一作燕

雙雙人世心形兩自降  
不為魚腸有

真訣誰能夢夢

一作夜

立清江

### 送盧員外

玉壘山前風雪夜  
錦官城外

一作北

別離魂信陵公子如

相問長向夷門感舊恩

### 題竹郎廟

竹郎廟前多古木夕陽沈沈山更綠何處江村有笛聲

聲聲盡是迎郎

一作曲

贈蘇十三

一作三十中丞

洛陽陌上埋輪氣欲逐秋空擊隼飛今日芝泥檢徵詔  
別須臺外振霜威

和郭員外題萬里橋

萬里橋頭獨越吟知憑文字寫愁心細侯風韻兼前事  
不止為舟也作霖

送鄭君一作州

雨暗看山江水流  
離人掩袂立高樓  
雙旌千騎駢東陌  
獨有羅敷望上頭

江亭餞別

一作宴餞一  
作江亭宴

綠沼紅泥物象幽  
范汪兼倅李并州  
離亭急管四更後  
不見公車一作心獨愁

海棠溪

春教風景駐仙霞  
水面魚身總帶花  
人世不思靈卉異

競將紅纈染輕紗

採蓮舟

風前一葉壓荷蕖  
解報新秋又得魚  
兔走烏馳人語靜  
滿溪紅袂擢歌初

菱荇沼

水荇斜牽綠藻浮  
柳絲和葉臥清流  
何時得向溪頭賞  
旋摘菱花旋泛舟

金燈花

闌邊不見叢叢葉砌下惟翻豔豔叢細視欲將何物比  
曉霞初疊赤城宮

春郊遊眺寄孫處士二首

低頭久立向

一作白

薔薇愛似零陵香惹衣何事碧溪

一作

雞  
孫處士百勞東去燕西飛

今朝縱目翫

一作悅

芳菲夾纈籠裙繡地衣滿袖滿頭兼

手把教人識是看花歸

酬揚供奉法師見招

遠水長流潔復清  
雪窗高臥與雲平  
不嫌袁室無煙火  
惟笑商山有姓名

試新服裁製初成三首

紫陽宮裏賜紅綃  
仙霧朦朧隔海遙  
霜兔毳寒冰繭淨  
嫦娥笑指織星橋

九氣分為九色霞  
五靈仙馭五雲車  
春風因過東君舍  
偷樣人間染百花

長裾一作裙本是上清儀  
曾逐羣仙把玉芝  
每到宮中歌

舞會折腰齊唱步虛詞

寄張元夫

前溪獨立後溪行  
鷺識朱衣自不驚  
借問人間愁寂意  
伯牙弦絕已無聲

酬辛員外折花見遺

青鳥東飛正落梅  
銜花滿口下瑤臺  
一枝為授殷勤意  
把向風前旋旋開

贈遠二首

芙蓉新落蜀山秋錦字開緘到是愁閨閣不知戎馬事  
月高還上望夫樓

擾弱新蒲葉

一作綠

又齊春深花落塞前溪知君未轉秦

關騎月照千門掩袖啼

秋泉

冷色初澄一帶煙幽聲遙瀉十絲弦長來枕上牽情一作  
愁思不使愁人半夜眠

柳絮

二月楊花輕復微，春風搖蕩惹人衣。  
他家本是無情物，一任一作南飛又北飛。

續嘉陵驛詩獻武相國

蜀門西更上青天，強為公歌蜀國弦。  
卓氏長卿稱士女，

錦江一作城玉壘獻山川。

段相國遊武擔寺病不能從題寄

消瘦翻堪見，令公落花無那恨。  
東風儂心猶道青春在，羞看飛蓬石鏡中。

贈段校書

公子翩翩說校書  
玉弓金勒紫綃裾  
玄成莫便驕名譽  
文采風流定不如

十離詩

元微之使蜀嚴司空遣濤往事因事獲怒遠之濤作十離詩以獻遂復善焉

犬離主

馴擾朱門四五年  
毛香足淨主人憐  
無端一作只因咬著親

情客

一作情親脚

不得紅絲毯上眠

濤因醉爭令擲注子誤傷相公猶子去幕故云

筆離手

越管宣毫始稱情紅箋紙上撒一作散花瓊都緣用久鋒  
頭盡不得羲之手裏擎

馬離廐

雪耳紅毛淺碧蹄追風曾到日東西為驚玉貌郎君墜  
不得華軒更一嘶

鸚鵡離籠

隴西獨自一孤身飛去飛來上錦茵都緣出語無方便  
不得籠中再喚人

燕離巢

出入朱門未忍拋主人常愛語交交銜泥穢汚

一作汚却 珊

瑚枕

一作簾

不得梁間更壘巢

珠離掌

皎潔圓明內外通清光似照水晶宮只

一作都 緣一點玷

一作瑕

相穢不得終宵一作朝在掌中

魚離池

跳

一作戲

躍深

一作蓮

池四五秋常搖朱尾弄綸

一作銀

鉤無

端擺斷芙蓉，不得清波更一遊。

鷹離鞵

爪利如鋒眼似鈴，平原捉兔稱高情。無端竄向青雲外，

不得君王臂上

一作  
手裏擎

竹離亭

蒼鬱新栽四五行，常將勁節負秋霜。為緣春筍鑽牆破，  
不得垂陰覆玉堂。

鏡離臺

鑄瀉黃金鏡始開初生三五月  
裴回為遭無限塵蒙蔽  
不得華堂上玉臺

酬杜舍人

雙魚底事到儂家  
撲手新詩片片霞  
唱到白蘋洲畔曲  
芙蓉空老蜀江花

籌邊樓

平臨雲鳥八窗秋  
壯壓西川四十州  
諸將莫貪羌族馬  
最高層處見邊頭

贈韋校書

芸香誤比荆山玉，那似登科甲乙年。  
澹地鮮風將綺思，飄花散蕊媚青天。

江月樓

以下見唐音統籤

秋風彷彿吳江冷，鷗鷺參差夕陽影。  
垂虹納納臥譙門，雉堞耽耽俯漁艇。  
陽安小兒拍手笑，使君幻出江南景。

西巖

凭欄却憶騎鯨客，把酒臨風手自招。  
細雨聲中停去馬。

夕陽影裏亂鳴蜩

罰赴邊上武相公二首

見吟窗雜錄

螢在荒蕪月在天  
螢飛豈到月輪邊  
重光萬里應相照  
目斷雲霄信不傳

按轡嶺頭寒復寒  
微風細雨徹心肝  
但得放兒歸舍去  
山水屏風永不看

寄舊詩與元微之

此首集不載

詩篇調態人皆有  
細膩風光我獨知  
月下詠花憐暗澹

雨朝題柳為歌垂長教碧玉藏深處總向紅箋寫自隨  
老大不能收拾得與君開似教男兒

句

枝迎南北鳥葉送往來風

濤八九歲知聲律一日其父  
鄭指井梧曰庭除一古桐聳

幹入雲中濤應聲云云父愀然久之後果入樂籍  
本載田洙遇薛濤有落花聯句夜月聯句四時迴文  
齒曲皆後人附  
別  
會茲藥不錄

御定全唐詩卷八百三

欽定四庫全書薈要卷一萬八千二百九

具部

御定全唐詩卷八百四

魚玄機

魚玄機字幼微

一字蕙蘭

長安里家女喜讀書有才思補闕

李億納為妾愛哀遂從冠帔於咸宜觀後以笞殺女童  
綠翹事為京兆溫璋所戮今編詩一卷

賦得江邊柳

一作臨江樹

翠

一作草色連

一作迷

荒岸煙姿入遠樓影

一作葉

鋪秋水面

花落釣人

一作磯

頭根老藏魚

一作龍

窟枝低繫

一作拂

客舟

蕭蕭風雨夜驚夢復添愁

贈鄰女

一作寄李  
億員外

羞日遮

一作障

羅袖愁春嬾起妝易求無價寶難得有心

郎枕上潛垂淚花間暗斷腸自能窺宋玉何必恨王昌

寄國香

旦夕醉吟身相思又此春

一作何處申

雨中寄書使窗下斷

腸人山捲珠簾看愁隨芳草新別來清宴上幾度落梁

塵

寄題鍊師

第三句缺一字  
第四句缺一字

霞彩翦為衣，添香出繡幃。  
芙蓉花葉

山水帔

稀駐

履聞鶯語開籠放，鶴飛高堂春睡覺。  
暮雨正霏霏

寄劉尚書

八座鎮雄軍，歌謠滿路新。  
汾川三月雨，晉水百花春。  
園

長空鎖干戈，久覆塵儒僧。  
觀子夜，羈客醉紅茵。  
筆硯

行隨手，詩書坐繞身。  
小材

一作才

多顧盼，得作食魚人

浣紗廟

吳越相謀計策多  
浣紗神女已相和  
一雙笑靨纔回面  
十萬精兵盡倒戈  
范蠡功成身隱遯  
伍胥諫死國消磨  
只今諸暨長江畔  
空有青山號芋蘿

賣殘牡丹

臨風興歎落花頻  
芳意潛消又一春  
應為價高人不問  
却緣香甚蝶難親  
紅英只稱生宮裏  
翠葉那堪染路塵  
及至移根上林苑  
王孫方恨買無因

酬李學士寄簾

珍簾新鋪翡翠樓  
泓澄玉水記方流  
唯應雲扇一作宿情

相似同向銀牀恨早秋

情書一作書情寄李子安一本題下有補闕二字

飲水食蘗志無功  
晉水壺關在夢中  
秦鏡欲分愁墮一作

墜鵲舜琴將弄怨  
飛鴻井邊梧葉鳴  
秋雨窗下銀燈暗

曉風書信茫茫何處問  
持竿盡日碧江空

閨怨

薜蘿盈手泣斜暉聞道鄰家夫壻歸別日南鴻纔北去  
今朝北鴈又南飛春來秋去相思在秋去春來信息稀  
一作 扃閉朱門人不到砧聲何事透羅幃

春情寄子安

山路敲斜石磴危不愁行苦一作 苦相思冰銷遠碣憐

清韻雪遠寒峰想玉姿莫聽凡歌春病酒休招閒客夜  
貪慕如松非石盟長在比翼連襟會肯遲雖恨獨行冬  
盡日終期相見月圓時別君何物堪持贈淚落晴光一

首詩

打毬作

堅圓淨滑一星流  
月杖爭敲未擬休  
無滯礙時從撥弄  
有遮欄處任鈎留  
不辭婉轉長隨手  
却恐相將不到頭  
畢竟入門應始了  
願君爭取最前籌

暮春有感寄友人

鶯語驚殘夢  
輕妝改淚容  
竹陰初月薄  
江靜晚煙濃  
溼  
鶯銜泥燕香鬚  
採蕊蜂獨憐  
無限思吟罷  
亞枝松

冬夜寄溫飛卿

苦思

憶一作

搜詩

思一作

燈下吟不眠長夜怕寒衾滿庭木

葉愁風起透幌紗窗惜月沈疎散未閒終遂願盛衰空

見本來心幽棲莫定梧桐處暮雀啾啾空繞

一作繞竹林

酬李郢夏日釣魚回見示

住處雖同巷經年不一過清詞勸

一作歡

舊女香桂折新

柯道性欺冰雪禪心笑綺羅跡登霄漢上無路接煙波

次韻西鄰新居兼乞酒

一首詩來百度吟新情一作清新字字又聲金西看已有登

垣意遠望能無化石心河漢期賒空極目瀟湘夢斷罷  
調琴況逢寒節添鄉思叔夜佳醪莫獨斟

和友人次韻

何事能銷旅館愁紅牋開處見銀鈎蓬山雨灑千峰小  
嶰谷風吹萬葉秋字字朝看輕碧玉篇篇夜誦在衾裯  
欲將香匣收藏却且惜時吟在手頭

和新及第悼亡詩二首

仙籍人間不久留片時已過十經秋  
鴛鴦帳下香猶暖鸚鵡籠中語未休  
朝露綴花如臉恨晚風敲柳似眉愁  
彩雲一去無消息潘岳多情欲白頭

一枝月桂和煙秀萬樹江桃帶雨紅  
且醉尊前休悵望古來悲樂與今

一作君同

遊崇真觀南樓觀新及第題名處

雲峰滿目放春晴歷歷銀鈎指下生  
自恨羅衣掩詩句舉頭空羨榜中名

愁

一作思

落葉紛紛暮雨和朱

水一作

絲獨撫自清歌放情休恨無

心友養性空拋苦海波長者車音門外有道家書卷枕  
前多布衣終作雲霄客綠水青山時一過

秋怨

自歎多情是足愁況當風月滿庭秋洞房偏與更聲近  
夜夜燈前欲白頭

江行

大江橫抱武昌斜，鸚鵡洲前戶萬一作萬戶。家畫舸春眠朝

未足

一作猶未穩

夢為蝴蝶也尋花

煙花已入鸚鵡港，畫舸猶沿一作題。鸚鵡洲醉臥醒吟都

不覺今朝驚在漢江頭

聞李端公垂釣回寄贈

無限荷香染暑衣，阮郎何處弄船歸。自慙不及鴛鴦侶

猶得雙雙近

一作繞又作傍

釣磯

題任處士初資福寺

幽人勅奇境遊客駐

一作寄

行程粉壁空留字蓮宮未有

名鑿池泉自出開徑草重生百尺金輪閣當川豁眼明

### 題隱霧亭

春花秋月入詩篇白日清宵是散仙空捲珠簾不曾下  
長移一榻對山眠

### 重陽阻雨

滿庭黃菊籬邊折

一作折

兩朵芙蓉鏡裏開落帽臺前風

雨阻不知何處醉金杯

早秋

嫩菊含新彩遠山閒

一作閒

夕煙涼風驚綠樹清韻入朱

弦思婦機中錦征人塞外天鴈飛魚在水書信若為傳

感懷寄人

恨寄朱弦上含情意不任早知雲雨會未起蕙蘭心灼  
灼桃兼李無妨國士尋蒼蒼松與桂仍羨世人欽月色  
苔階淨歌聲竹院深門前紅葉地不掃待知音

期友人阻雨不至

鴈魚空有信雞黍恨無期閉戶方籠月寒簾已散絲近  
泉鳴砌畔遠浪漲江渚鄉思悲秋客愁吟五字詩

訪趙鍊師不遇

何處同仙侶青衣獨在家暖爐留煮藥鄰院為煎茶畫  
壁燈光暗幡竿日影斜殷勤重回首牆外數枝花

遣懷

閒散身無事風光獨自遊斷雲江上月解纜海中舟琴  
弄蕭梁寺詩吟庾亮樓叢篁堪作伴片石好為儔燕雀

徒為貴金銀志不求滿杯春酒綠對月夜窗幽繞砌澄  
清沼抽簪映細流卧牀書冊徧半醉起梳頭

寄飛卿

階砌亂蛩鳴庭柯煙露清月中鄰樂響樓上遠山明珍  
簾涼風著瑤琴寄恨生嵇君嬾書札底物慰秋情

過鄂州

柳拂蘭橈花滿枝石城城下暮帆遲折牌

一作碑

峰上三

閭墓遠火山頭五馬旗白雪調高題舊寺陽春歌在換

新詞莫愁魂逐清江去空使行人萬首詩

夏日山居

移得仙居此地來花叢自徧不曾栽庭前亞樹張衣桁  
坐上新泉泛酒杯軒檻暗傳深竹徑綺羅長擁亂書堆  
閒乘畫舫吟明月信任輕風吹却回

暮春即事

深巷窮門少侶儔阮郎唯有夢中留香飄羅綺誰家席  
風送歌聲何處樓街近鼓鞳喧曉睡庭間鵲語亂春愁

安能追逐人間事萬里身同不繫舟

代人悼亡

曾覩天桃想玉姿帶風楊柳認蛾眉珠歸龍窟知誰見  
鏡在鸞臺話向誰從此夢悲煙雨夜不堪吟苦寂寥時  
西山日落東山月恨想無因有了期

和人

茫茫九陌無知己暮去朝來典繡衣寶匣鏡昏蟬鬢亂  
博山爐暖一作冷麝煙微多情公子春留句少思文君畫

掩扉莫惜羊車頻列載柳絲

一作舒

梅綻正芳菲

隔漢江寄子安

江南江北愁望相思相憶空吟鴛鴦暖卧沙浦灘瀾間  
飛橋林煙裏歌聲隱隱渡頭月色沈沈含情咫尺千里  
况聽家家遠砧

寓言

紅桃處處春色碧柳家家月明樓上新妝待夜閨中獨  
坐含情芙蓉月

一作葉

下魚戲蝶竦天邊雀

一作鶴

聲人世

悲歡一夢如何得作雙成

江陵愁望寄子安

楓葉千枝復萬枝  
江橋掩映暮帆遲  
憶君心似西江水  
日夜東流無歇時

寄子安

醉別千卮不浣愁  
離腸百結解無由  
蕙蘭銷歇歸春圃  
楊柳東西絆客舟  
聚散已悲一作愁  
雲不定恩情須學水  
長流有花時節知  
難遇未肯厭厭醉玉樓

送別

秦樓

一作層城

幾夜愜心期不料仙郎有別離

睡覺莫言一作

不雲去處殘燈一釵野蛾飛

迎李近仁員外

今日喜時聞喜鵲  
昨宵燈下拜燈花  
焚香出戶迎潘岳  
不羨牽牛織女家

送別

水柔

一作流

逐器知難定  
雲出無心肯再歸  
惆悵春風楚

江暮駕鴛一隻失羣飛

左名場自澤州至京使人傳語

閒居作賦幾年愁  
王屋山前是舊遊  
詩詠東西千嶂亂  
馬隨南北一泉流  
曾陪雨夜同歡席  
別後花時獨上樓  
忽喜扣門傳語至  
為憐鄰巷小房幽  
相如琴罷朱弦斷  
雙燕巢分白露秋  
莫倦一作厭蓬門時一訪  
每春忙在曲

江頭

和人次韻

喧喧朱紫雜人寰，獨自清吟日一作月色間。何事玉郎搜

藻思，忽將瓊韻扣柴關。白花發詠慙稱謝，僻巷深居謬學顏。不用多情欲相見，松蘿高處是前山。

光威哀姊妹三人少孤而始妍，乃有是作精粹難儔。雖謝家聯雪，何以加一作如之。有客自京師

來者，示予因次其韻。

昔聞南國容華少，今日東鄰姊妹三。妝閣相看鸚鵡賦，碧窗應繡鳳凰衫。紅芳滿院參差折，綠醕盈杯次第銜。

恐向瑤池曾作女謫來塵世未為男文姬有貌終堪比  
西子無言我更慙一曲豔歌琴杳杳四弦輕撥語喃喃  
當臺競鬪青絲髮對月爭誇白玉簪小有洞中松露滴  
大羅天上柳煙含但能為雨心長在不怕吹簫事未諳  
阿母幾嗔花下語潘郎曾向夢中參暫持清句魂猶斷  
若覩紅顏死亦甘悵望佳人何處在行雲歸北又歸南

折楊柳

朝朝送別泣花鈿折盡春風楊柳煙願得西山無樹木

免教人作淚懸懸

句

焚香登玉壇  
端簡禮金闕  
明月照幽隙  
清風開短襟

獄中作

綺陌春望遠  
瑤徽春興多  
殷勤不得語  
紅淚

一雙流  
雲情自鬱爭  
同夢仙貌長  
芳又勝花

以上俱見紀事

御定全唐詩卷八百四

謹案卷八百第九頁前五行春水悠悠春草綠按  
別本作春草萋萋春水綠

卷八百二第二頁後一行朝朝江口望按別本江  
口作江上





總校官庶吉士 臣 張能照

校對官中書 臣 張 壘

膳錄監生 臣 周嘉猷

欽定四庫全書薈要

集部

御定全唐詩卷八百

五六

詳校官原任主事臣李斯咏

欽定四庫全書薈要卷一萬八千二百十

集部

御定全唐詩卷八百五

李治

一作裕

字季蘭女冠也吳興人存詩十六首

湖上卧病喜陸鴻漸至

昔去繁霜月今來苦霧時相逢仍卧病欲語淚先垂  
強勸陶家酒還吟謝客詩偶然成一醉此外更何之

寄校書七兄

一作送  
韓校書

無事烏程縣蹉跎歲月餘不知芸閣吏寂寞竟何如遠  
水浮仙棹寒星伴使車因過大雷岸一作澤莫忘八一作幾  
行書

寄朱放一作昉

望水一作遠試登山山高湖又濶相思無曉夕相望經年

月鬱鬱山木榮一作青綿綿野花發別後無限情相逢一

時說

送韓揆之江西一作送闔伯鈞往江州

相看指一作招折楊柳別恨轉依依萬里江西水孤舟何處

歸湓城潮不到夏口信應稀唯有衡一作隨陽雁年年來

去飛

道意寄崔侍郎

莫漫戀浮名應須薄宦情百年齊旦暮前事盡虛盈愁

鬢行看白童顏學未成無過天竺國依止古一作故先生

從蕭叔子聽彈琴賦得三峽流泉歌

妾家本住巫山雲巫山流泉常自聞玉琴彈一作奏出轉

寥曩直是

一作似

當時夢裏聽三峽迢迢

一作流泉

幾千里一

時流入幽閨

一作深闈

裏巨石崩崖指下生飛泉

一作波

走浪

弦中起初疑憤怒

一作湧

含雷風又似嗚咽流不通迴湍

曲瀨勢

一作意

將盡時復滴漑平沙中憶昔阮公為此曲

能令仲容聽不足一彈既罷復

一作還

一彈願作

一作與一作比

一作似流泉鎮相續

相思怨

人道海水深不抵相思半海水尚有涯相思渺無畔携

琴上高

酒一作

樓樓虛月華滿彈著

一作得

相思曲弦腸一

時斷

感興

朝雲暮雨鎮相隨去雁來人有返期  
玉枕祇知長下淚銀燈空照不眠時  
仰看明月翻含意俯眄流波欲寄詞  
却憶初聞鳳樓曲教人寂寞復相思

恩命追入留別廣陵故人

無才多病分龍鍾不料虛名達九重  
仰媿彈冠上華髮

多慙拂鏡理衰容  
馳心北闕隨芳草  
極目南山望舊峰  
桂樹不能留野客  
沙鷗出浦謾相逢

八至

至近至遠東西至  
至深至淺清溪至  
至高至明日月至  
至親至疎夫妻至

送闔二十六赴剡縣

流水閭門外孤舟  
日復西離情遍芳草  
無處不萋萋  
夢經吳苑君行到  
剡溪歸來重相訪  
莫學阮郎迷

得閻伯鈞書

情來對鏡嬾梳頭暮雨蕭蕭庭樹秋莫怪闌干垂玉筋  
只緣惆悵對銀鈎

結素魚貽友人

尺素如殘雪結為雙鯉魚欲知心裏事看取腹中書

偶居

心遠浮雲知不還心雲併在有無間狂風何事相搖蕩  
吹向南山復北山

明月夜留別

離人無語月無聲  
明月有光人有情  
別後相思人似月  
雲間水上到層城

春閨怨

百尺井欄上數株桃  
已紅念君遼海北  
拋妾宋家東

句

經時未架却心緒  
亂縱橫

季蘭五六歲時其父抱於庭  
令詠薔薇云云父恚曰必失

行婦也後  
竟如其言

已看雲鬢散更念木枯榮

卧病

鞞鼓喧行

選旌旗拂座隅

陷賊寄故人

不覩河陽一縣花  
空見青山

三兩點

寄房明府 以上俱見吟窗雜錄

元溥

元溥女道士洛中人存詩二首

寄洛中諸姊

舊國經年別關河  
萬里思題詩

一作書

憑鴈翼望月想蛾

眉白髮愁偏覺歸心夢  
獨知誰堪離亂處  
掩淚向南枝

秦中春望

鳳樓春望好宮闕一重重上苑雨中樹終南霽後峰落  
花行處徧佳氣晚來濃喜見休明代霓裳躡道蹤

句

弟兄俱已盡松柏問何人寄洛中姊妹聞道茂陵山水好

碧溪流水有桃源寄楊女冠赤城峭壁無人到丹竈芝田

有鶴來霍師妹遊天台三千宮女露蛾眉笑煮黃金日月遲

寓言以上俱見吟窗雜錄

海印

海印蜀慈光寺尼唐末人才思清峻存詩一首

舟夜一章

水色連天色風聲益浪聲旅人歸思苦漁叟夢魂驚舉  
棹雲先到移舟月逐行旋吟詩句罷猶見遠山橫

御定全唐詩卷八百五